



ԿՈՆՍՏԱՆՏԻՆ ՍՈՒՐԵՆԻ ԽՈՒԴԱՎԵՐԴՅԱՆ

Հայաստանի մտավորականությունը ծանր կորուստ ունեցավ: Մահը մեր շարքերից խլեց հանրապետության ճանաչված գիտնական և հասարակական գործիչ, գիտություն կազմակերպիչ, Հայկական Հանրագիտարանի գլխավոր խմբագիր, պատմական գիտությունների դոկտոր, պրոֆեսոր, «Արարատ» և բնության ու հասարակության մասին գիտությունների միջազգային ակադեմիաների անգամ, Կոնստանտին Սուրենի Խուդավերդյանին:

Կ. Խուդավերդյանը ծնվել է 1929 թ. հունվարի 9-ին, Երևանում: 1946 թ. ավարտել է Երևանի Ձերժինսկու անվան միջնակարգ դպրոցը, իսկ 1951 թ.՝ Երևանի պետական համալսարանի պատմության ֆակուլտետը: 1956 թ. աշխատել է ՀԳԱ պատմության ինստիտուտում: 1959 թ. նա պաշտպանում է թեկնածուական, իսկ 1967 թ.՝ դոկտորական ատենախոսություն: 1974 թ. ստացել է պրոֆեսորի կոչում: 1988 թ. մինչև իր կյանքի վերջը Հայկական Հանրագիտարանի գլխավոր խմբագիրն էր:

Մանուկ հասակից Կ. Խուդավերդյանը կիսել է իր սերնդակիցներից շատերին բաժին ընկած դառը ճակատագիրը: 1936 թ. բռնադատվում են նրա ծնողները և նա դատապարտվում է դժվարությունները միայնակ հաղթահարելու, սովորելու հետ մեկտեղ ընտանիքի կարիքները բավարարելու հոգսով:

Նվիրաբերվելով պատմագիտության զարգացմանը Կ. Խուդավերդյանը որոշակի հետք թողեց այդ բնագավառում: Նրա հետաքրքրության շրջանակները շատ լայն էին: Նա հայ ժողովրդի պատմությունը, պատմադրությունը, հայ մշակույթին ու ազգամիջյան հարաբերություններին, արցախահայության ազատագրական պայքարին, հայոց ցեղասպանությունը

նվիրված ավելի քան 120 աշխատութունների հեղինակ է, որից 20-ը մենագրութուններ՝ տպագրված Երևանում, Մոսկվայում, Տալլինում և այլուր:

Կ. Խուզավերդյանի ուսումնասիրութունների զգալի մասը նվիրված է Հայ մշակույթի զարգացման հարցերին: Նա հիմնավորել է հայկական մշակույթի զարգացման հիմնական փուլերը, տվել պարբերացումը՝ հատուկ ուշադրութուն դարձնելով ազգային մշակույթի առանձնահատկութուններին: Այդ ուսումնասիրութուններով սկզբնավորվեցին Հայ մշակույթի քննական վերլուծության հիմնական ուղղութունները, որ արժանացան պատմագիտության բարձր գնահատականին. նրա «Կուլտուրական հեղափոխության կենսագործումը Հայաստանում» մեծածավալ աշխատութունը լուրջ ներդրում է պատմագիտության մեջ:

Պրոֆ. Խուզավերդյանը ակտիվ մասնակցութուն է ունեցել կուլկտիվ, ընդհանրացնող աշխատութունների ստեղծման գործում: Նա «Հայ ժողովրդի պատմութուն» 7 և 8-րդ հատորների, «Հայ ժողովրդի պատմութունը հնագույն ժամանակներից մինչև մեր օրերը» մեկհատորյակի, «Հայ ժողովրդի պատմութուն» դպրոցական դասագրքերի հիմնական հեղինակներից էր:

Կ. Խուզավերդյանը ճանաչված հեղինակութուն էր շատ երկրներում, որտեղից հաճախ հրավիրվում էր դիտական քննարկումներին մասնակցելու համար: Նրա հետազոտութունների արդյունքները բազմիցս ներկայացվել են համամիութենական և միջազգային դիտաժողովներում; Իսկ Լեռնային Ղարաբաղի հիմնախնդրին նվիրված զեկուցումներով հանդես է եկել Մոսկվայում, Անգլիայում, ԱՄՆ-ում, Շվեյցարիայում և այլուր:

Չնայած իր ծանրաբեռնվածությանը Կ. Խուզավերդյանը ակտիվ դիտա-մանկավարժական աշխատանք էր կատարում: 1964 թ. գասախոսում էր Երևանի պետական համալսարանում: Նրա ղեկավարությամբ Հայաստանում և հանրապետութունից դուրս տասնյակ ասպիրանտներ ու հայցողներ պաշտպանել են թեկնածուական ատենախոսութուններ: Նա ստեղծեց յուրահատուկ դպրոց, որի բովով անցել է այսօրվա պատմաբանների զգալի մասը:

Կ. Խուզավերդյանի կյանքի անբաժան մասն էր կազմում ակտիվ հասարակական գործունեութունը: Նա շուրջ 40 տարի օգտաշատ մասնակցութուն է ունեցել արտասահմանյան երկրների հետ մշակութային կապերի միության աշխատանքներին, երկար տարիներ ղեկավարել է Հայաստան-Ավստրիա, հետագայում՝ Հայաստան-Շվեյցարիա ընկերութունների աշխատանքները: Բռնադատվածների իրավունքների վերականգման համար հիմնված «Հուշամատյան» հասարակական կազմակերպության խորհրդի նախագահն էր, ակտիվ մասնակցում էր հասարակական հնչեղութուն ունեցող միջոցառումներին:

Արգասաբեր եղան Կ. Խուզավերդյանի, որպես Հայկական Հանրագիտարանի գլխավոր խմբագիր աշխատած տարիները: Նրա կազմակերպական

տաղանդի շնորհիվ, չնայած ծանր պայմաններին, շարունակվեց Հանրագիտարանի հերթական հատորների լույս ընծայումը: Նա նախաձեռնեց «Ոսկեփորիկ» մանկական հանրագիտարանի և հատկապես թեմատիկ հանրագիտարանների պատրաստումը: Արժեքավոր է հայերեն և ռուսերեն լույս տեսած «Հայկական հարցը» հանրագիտարանը, որի բազմաթիվ հոդվածների հեղինակն էր նա: Կ. Խուլզավերդյանի գլխավորությամբ պատրաստվում էին նաև «Հայ սփյուռք» և «Քրիստոնյա Հայաստան» ինքնատիպ և արժեքավոր հանրագիտարանները: Դրանցից առաջինը ամփոփում է տեղեկություններ շուրջ 70 երկրների մասին, երկրորդը՝ լուսաբանում հայ Առաքելական եկեղեցու դերը մեր ժողովրդի կյանքում: Այն նվիրված է հայոց դարձի 1700-ամյակին:

Կ. Խուլզավերդյանը զգոն և հոգատար ընկեր էր: Որտեղ էլ աշխատեր՝ ՀԳԱ նախադահույթում, Պատմության ինստիտուտում թեև Հայկական Հանրագիտարանում, կարողանում էր իր շուրջը համախմբել բանիմաց, գործին նվիրված մասնագետների և կազմակերպել աշխատանքները: Նա ընտանիքի լավ հայր էր:

Պրոֆ. Կ. Խուլզավերդյանի կյանքը հայրենիքին ու ժողովրդին ծառայելու մի վառ օրինակ էր: Դա նվիրաբերում ու պայքար էր, որի շնորհիվ «ժողովրդի թշնամու» զավակը կարողացավ միայնակ, սեփական ուժերին ապավինած, իր համար ուղի հարթել, հասնել բարձր նվաճումների և իր հետևից տասնյակ մարդկանց տանել, դառնալ նրանց ղեկավարն ու հովանավորը: Եվ այդ բոլորից հետո լինել բարի ու ներող, որպիսին նա մնաց իր ընկերների ու ճանաչողների հուշերում...

Պատմ. գիտ. դոկտոր Գ. Մ. ԳեղԱՄՅԱՆ